

# Adroddiad Blynyddol Menter Iaith Sir Conwy

Ebrill 2006 – Mawrth 2007

## Rhagair

Hyderwn y bydd yr adroddiad hwn yn cyfleu darlun o waith a chyfeiriad cyffredinol Menter Iaith Conwy. Ceir cofnod manylach o waith y fenter yn ein hadroddiadau Chwarterol.

Bu'n flwyddyn arall o symud ymlaen i Fenter Iaith Conwy. Gwelwyd cynydd yn nifer ein staff, yn eu gallu i weithredu, yn ein cyllid ac yn nifer y digwyddiadau a'n gwirfoddolwyr.

Mae Cynllun Gweithredu Ardal Bwrdd yr Iaith Gymraeg, Popeth Cymraeg a Chyfieithu Cymunedol Conwy'n parhau i rannu swyddfa efo ni. Rydym yn disgwyl i swyddog o'r Urdd a chyfieithydd cymunedol cynorthwyol ddod yma atom ni yn ystod y misoedd nesaf.

Yn ogystal â chynnal a datblygu pwyllgor ardal Pen-Llan fe lwyddwyd i sefydlu a chyfansoddi 2 bwyllgor newydd.

Pwyllgor y Creuddyn (Ardal Llandudno a Bae Colwyn)

Pwyllgor y Berfeddwlad (Yr Ardal Rhwng Dyffryn Conwy a Chlwyd)

## Strwythur Staff

Gwelwyd un aelod o staff yn ymadael, sef Carys Dafydd o gynllun Gwyliau Cymraeg a hoffwn ddiolch yn fawr iddi am ei gwaith. Gwelwyd 2 aelod staff newydd yn cael eu penodi, sef Elliw Griffiths (Swyddog Ymwybyddiaeth Treftadaeth Iaith) a Bedwyr ap Gwyn (Swyddog Ardal Wledig)

**Swyddog Datblygu, Meirion Davies, 37 awr, Mehefin 01**

**Swyddog Maes, Deiniol Thomas 37 awr, Mehefin 02**

**Swyddog Gweinyddol, Teleri Hughes, 15 awr, Mai 03**

**Swyddog Datblygu M.I.C., Iwan Williams, 15 awr, Mehefin 04**

**Swyddog Cyfieithu Cymunedol, Dafydd Chilton, 37 awr, Tachwedd 05**

**Swyddog Ymwybyddiaeth Treftadaeth Iaith, Elliw Griffiths, Mai 06**

**Swyddog Ardal Wledig, Bedwyr ap Gwyn, 37 awr, Mawrth 07**

## **Cynlluniau Ardal Bwrdd yr Iaith.**

Bu cydweithio cyson gyda Swyddog y Cynllun Gweithredu. Mae cael swyddog penodol i ddelio ag ardal Llanrwst wedi galluogi'r Fenter i ddechrau cynnal gweithgareddau ledled y Sir.

### **Cyllid 06 – 07**

£80,000 Bwrdd yr Iaith Gymraeg

£15,000 Cronfa Treftadaeth y Loteri

£15,000 trosiant Cyfieithu Cymunedol Conwy

£15,000 Cywaith Cymru – Llwybr treftadaeth Llanrwst.

£10,000 CAE – Swyddog Ardal Wledig.

£10,000 Cronfa Datblygu Gymdeithasol Cyngor Sir Conwy. Cyfieithu Cymunedol.

£ 10,000 Cronfa Risg Gymdeithasol, Cyngor Gweithredu Gwirfoddol Cymru, Hyfforddi Arwain Mynydd.

£5,000 Arian i Bawb, Arddangosfa Treftadaeth Iaith.

£5,000 Cyngor Sir Conwy, arian craidd.

£5,000 Cyngor y Celfyddydau, gweithdai celfyddydol.

£1,000 Adran Celf Cyngor Conwy, Llanast Llanrwst.

£1,000 Cynllun Ardal Llanrwst, Llanast Llanrwst.

£1,000 Cist Gymunedol Conwy (Sportslot) Hyfforddi Syrffio

£500 Cyngor y Celfyddydau, Llanast Llanrwst

£500 Busnesau Tref Llanrwst, Llanast Llanrwst.

£500 Menter Nant Conwy – Arddangosfa Treftadaeth Iaith.

Incwm Cyfan £150,800 Ffynonellau Eraill £84,500 Cyfraniad BYIG £66,300 sef 43.9%

# **Cynlluniau Gwireddu Strategaeth**

## **Prosiect Busnes**

Dosbarthwyd deunyddiau Iaith Gwaith yn nhrefi Llandudno a Bae Colwyn. Mae'r fenter yn parhau i gynnal cyrsiau ymwybyddiaeth iaith i'r rhai hynny sy'n cychwyn busnes drwy Antur Conwy.

### **Cymraeg yn Gyntaf.**

Cynhaliwyd wythnos Cymraeg yn Gyntaf yn Llandudno. Cafwyd wythnos lwyddiannus fu'n gymorth mawr i sefydlu pwyllgor ardal y Creuddyn.

## **Sector Gwirfoddol**

### **Cyfieithu Cymunedol**

Llwyddwyd i ddenu £10,000 i gyllido'r cynllun gan gronfa S.D.S. Cyngor Sir Conwy. Mae'r cynllun wedi llwyddo i ddenu gweddill ei hincwm drwy fasnachu.

Mae incwm y cynllun wedi cynyddu'n gyson. Gwelwyd trosiant cyson o dros £1,000 y mis. Ein gobaith yw cyflogi cyfieithydd dan hyfforddiant yn fuan yn y flwyddyn ariannol nesaf er mwyn gallu ymateb i'r galw cynyddol.

Mae'r cynllun hefyd wedi cydweithio â Phrifysgol Bangor i ddatblygu cwrs Cyfieithu ar y Pryd. Cynhaliwyd 2 gwrs yn ystod y cyfnod yma efo 18 yn mynychu.

Rydym hefyd mewn trafodaethau efo Bwrdd yr Iaith Aeleg i addasu'r cwrs ar gyfer anghenion yr Alban.

Methiant fu ein cais i Gyngor Gweithredu Gwirfoddol Cymru ar gyfer Cyflogi Swyddog Gwirfoddoli a Chyfieithu Cymunedol.

## **Y Sector Gyhoeddus**

Rydym wedi derbyn Cytundeb Lefel Gwasanaeth gan Gyngor Sir Conwy. Mae'r cytundeb yn cynnwys elfennau o fonitro cynllun iaith Cyngor Sir Conwy.

Mae bwriad gennym ni hefyd i ddatblygu asiantaeth sgiliau gweinyddol dwyieithog fyddai'n bwydo'r sector gyhoeddus.

## **Plant a Phobl Ifanc**

*Gweithdai Roc* – Denwyd arian i drefnu cyfres o weithdai roc dros yr Haf..

*Clwb Plant Pae Penrhyn* - Mae clwb chwarae ar ôl ysgol wedi cychwyn ym Mae Penrhyn mewn partneriaeth ag Ysgol Glanwydden, Ysgol Bodafon, Yr Urdd a TWF. Daw'r arian ar ei gyfer trwy grant Arian i Bawb, sy'n cyflogi staff i ofalu am y plant ac un athro i ddysgu rhieni sy'n dymuno dysgu'r Gymraeg.

Rydym yn Gweithio efo Prif Athrawon ardal y Glannau i asesu'r angen am ddarpariaeth ar ôl ysgol cyfrwng Cymraeg.

Gigs - cynhaliwyd sawl gig yn ystod y flwyddyn. Ceisiwyd cynnal gig yn Llandudno am y tro cyntaf ond roedd yn aflwyddiannus er i ni weithio'n agos iawn ag Ysgol y Creuddyn. Lleoliadau eraill, lle cynhaliwyd cyngherddau llwyddiannus: Penmaenmawr, Llanfairfechan.

## **Gweithgareddau Cymdeithasol**

### **Cyrsiau Cyfrwng Cymraeg**

Bu cynnydd yn y nifer o gyrsiau Cymraeg a gynhaliwyd yn y sir - trwy gydweithio â Choleg Llandrillo, Elusendai Llanrwst, Prifysgol Bangor ac Ysgol Dyffryn Conwy.

Sbaeneg (Llanrwst ac Abergele)

Ffrangeg (Llanrwst)

### **Adloniant**

Llwyddwyd i gynnal rhaglen o adloniant trwy'r flwyddyn gan gynnwys mwy o ddigwyddiadau ar y Glannau. Ceir y manylion llawn yn ein hadroddiadau chwarterol.

Cynhaliwyd ŵyl feicio mynydd yn Llanrwst yn sgil ffurfio Clwb Beicio Mynydd Dyffryn Conwy, sy'n gweithredu drwy'r Gymraeg.

### **Llanast Llanrwst**

Llwyddwyd i gynnal gŵyl lwyddiannus arall.

Gweler yr Atodiad.

## **Dysgwyr**

### ***Sesiynau Siarad***

Daeth sesiwn Siarad yr heddlu i ben. Ond cychwynnwyd un bob pythefnos yng nghaffi Debenhams, Llandudno.

## ***Cynllun Cadifan***

Llwyddwyd i roi 21 o ddysgwyr trwy gynllun dosbarthiadau niferoedd isel.

## ***Sadwrn Siarad***

Erbyn hyn cynhelir 5 Sadwrn Siarad yn fisol efo 2 yn rhedeg ar yr un Sadwrn.

Lleoliadau:

Llanrwst, Swyddfa'r Fenter

Bae Colwyn, Caffi Blod. Symudwyd i Clwb Golff Llandrillo yn Rhos yn dilyn wythnos Cymraeg yn Gyntaf a gwelwyd y niferoedd yn codi o oddeutu 10 i 30.

Llanfairfechan, Canolfan Cwmni Penllan

Llansannan, Y Llew Coch

Llanefydd, Neuadd y Pentref

***Cynllun Pontio*** (*Ile mae siaradwyr Cymraeg yn mynd mewn i 20 munud olaf gwers i gynorthwyo dysgwyr i ymarfer eu Cymraeg*)

Llanrwst (Cynllun Ardal). Ni lwyddwyd i'w chynnal.

Llanfairfechan. Llwyddwyd i'w chynnal - er nad ydi Prifysgol Bangor yn awyddus i ni wneud hyn mwy nac unwaith y mis.

Cyffordd Llandudno. Ni lwyddwyd i'w chynnal.

## ***Pecyn Croeso***

Rydym yn cydweithio â'r Bwrdd i ddosbarthu'r argraffiad diweddaraf, a'i adnoddau, trwy arwerthwyr tai y sir er mwyn codi ymwybyddiaeth bobl newydd i'r ardal o'r Gymraeg.

## **Marchnata**

Ceir sylw cyson i'r Fenter Iaith yn y wasg.

## ***Sioeau Sirol***

Mae pob sioe yn y sir wedi derbyn gwybodaeth am y Fenter ac rydym yn ymweld â sioeau:

Llanrwst, Eglwysbach. Nid oedd y tywydd yn caniatáu i ni ymweld â Sioe Cerrigydrudion i hyrwyddo gwaith y Fenter.

## **Cyfarfodydd a Phartneriaid**

Sefydlwyd Partneriaeth Sirol i gynorthwyo cydweithio rhwng holl bartneriaid y Bwrdd yn y Sir.

Sefydlwyd Partneriaeth Darparwyr Ieuencid Cyfrwng Cymraeg

Mynychwyd nifer o gyfarfodydd yn ystod y flwyddyn yn cynnwys:

Mentrau Iaith Cymru (ail-etholwyd Meirion Davies yn Gadeirydd Staff y Mentrau)

Mentrau'r Gogledd, Bwrdd yr Iaith Gymraeg, Yr Urdd, Twf, Gwobr Dug Caeredin, W.C.V.A., CYD, Parc Cenedlaethol Eryri, Heddlu Gogledd Cymru.

## **Cynlluniau Penodol / Llorweddol**

### **Bys a Bawd**

Treuliwyd cryn amser gan Brif Swyddog y Fenter i ddiogelu cyllid a rheolwyr er mwyn prynu a rhedeg y busnes gwerthu nwyddau Cymraeg 'Bys a Bawd' yn Llanrwst. Y bwriad oedd arbed y busnes rhag cau a chynorthwyo Menter Iaith Conwy i ddod yn fwy hunangynhaliol yn yr hir dymor. Hefyd fe ddechreuwyd ar gais i Cyllid Cymru.

Gan fod person lleol wedi mynegi diddordeb mewn prynu a rhedeg y busnes bu'n rhaid tynnu yn ôl o'r fenter.

### **Yr Hen Ysgol, Llanrwst**

Mae pwyllgor lleol wedi ei ffurfio i ddatblygu'r cynllun. Rydym wedi bod yn trafod efo perchennog y safle (Cwmni Pennaf cyf), sy'n fodlon rhoi'r safle i ni os gallwn ni ddenu arian i'w ddatblygu. Mae'r cynlluniau wedi eu lunio.

### **Asiantaeth Hyfforddi a Chyflogi Sgiliau Gweinyddol**

Trafodaethau wedi eu cynnal efo BYIG a WEFO a chais amlinellol wedi ei pharatoi.

### **Asiantaeth**

Trafodaethau wedi eu cynnal efo BYIG a WEFO a chais amlinellol wedi ei pharatoi.

### **Cynlluniau Mentrau Iaith Cymru, gweithredwyd yn rhinwedd y ffaith mai'r swyddog datblygu ydi cadeirydd Staff M.I.C.**

Ysgrifennwyd ymateb i gynlluniau llywodraeth y Cynulliad i uno B.Y.I.G. efo'r Cynulliad Cenedlaethol.

## **Menter Iaith i'r Wladfa**

Llwyddwyd i ddod a nifer o bartneriaid amlwg yn y maes fydd o bosib yn ariannu cynllun o'r math.

## **Cyrsiau / Hyfforddiant**

### **STAFF**

#### **Meirion Davies;**

Cwrs Rheoli Amser, Rheoli Staff, Cyfraith Cyflogi.

#### **Elliw Griffiths;**

1 diwrnod y mis, cwrs ôl radd Datblygu cymuned.

Cwrs Wythnos creu DVD.

Cwrs Hyfforddi Hyfforddwyr Ymwybyddiaeth Iaith 2 ddydd.

Cwrs Arwain Teithiau Cerdded a Chymorth Cyntaf.

#### **Deiniol Thomas**

Cwrs Arwain Teithiau Cerdded a Chymorth Cyntaf.

#### **Dafydd Chillton**

Arholiad Llawn Cymdeithas Cyfieithwyr Cymru

#### **Bedwyr Ap Gwyn**

Arholiad Arwain Mynydd Wythnos o hyd

### **GWIRFODDOLWYR**

Wyn Jones, Baudewijn Morgan, Eirian Jones, Gwyn Jones;

Cyfraith Cyflogi

## **Cyfarfod Blynyddol**

Cynhaliwyd ail Gyfarfod Blynyddol Menter Iaith Conwy yng Nghanolfan Glasdir, Llanrwst ar y 18fed o Ebrill. Roedd y niferoedd a fynychodd yn uwch o dipyn nac y llynedd. Llwyddwyd i ethol swyddogion.

Ail-etholwyd Wyn Jones yn gadeirydd ac Angharad Booth Taylor yn Drysorydd.

Eirian Jones – Sector Gwirfoddol

Arwel Elias – Ieuenctid

Gwyn Roberts – Materion Staffio

Geraint Fôn – Sector Busnes.

Baudewijn Morgan – Dysgwyr.

## **I Gloi**

Gobeithiwn fod yr adroddiad hwn wedi rhoi blas i chi o'r hyn mae Menter Iaith Conwy yn ei gyflawni. Ceir adroddiad manylach o'n holl weithgareddau yn ein adroddiadau chwarterol.

Mae'n cynyddu mewn adnoddau dynol wedi ein galluogi ni i gynnal a chynyddu ein gwaith hyrwyddo ar draws y sir. Mae hyn hefyd wedi galluogi'r Swyddog Datblygu i ymhél â chynlluniau mwy uchelgeisiol fydd yn sicrhau dyfodol mwy cynaliadwy i Fenter Iaith Conwy ac i'r Gymraeg yn y Sir.

Meirion Davies

(Swyddog Datblygu Conwy)